

Մարդամեջ 2021 սոցիալական նորարարության հավաք

Հաճախ տրվող հարցեր

Ի՞նչ է Մարդամեջը, և ո՞վ է այն կազմակերպում:

Մարդամեջը վեցօրյա հավաք է, որի ընթացքում մասնակիցները մշակում են ստեղծագործ ծրագրեր, որոնք առաջարկում են համայնքային խնդիրների լուծման նոր մոտեցում:

Ինչպիսի՞ ներգրավվածություն է ակնկալվում մասնակիցներից հավաքի ընթացքում և դրանից հետո:

Վեցօրյա հավաքի ընթացքում մասնակիցները մշակելու են ծրագրեր, որոնք ժյուրիի հավանությանն արժանանալու պարագայում ստանալու են ֆինանսավորում և իրականացվելու են հաղթող թիմերի կողմից: Այսինքն՝ հաղթող թիմերի անդամների ներգրավվածությունը տևելու է այնքան, որքան անհրաժեշտ է ծրագրերի իրականացման համար (4-5 ամիս):

Ո՞վ և ինչպե՞ս է ընտրում մասնակիցներին:

Մասնակիցների ընտրությունն իրականացնում է ԵՀՀ-ն ԻնֆոՏների հետ միասին՝ ներկայացված հայտերի հիման վրա:

Պարտադի՞ր է լինել ԻնֆոՏան շահառու, որպեսզի կարողանանք մասնակցել Մարդամեջին:

Ոչ, պարտադիր չէ: Ընտրող հանձնաժողովը մասնակիցների ընտրությունն իրականացնելու է միայն լրացված հայտի հիման վրա:

Ինչպե՞ս են մշակվում և ընտրվում ծրագրային գաղափարները:

Վեցօրյա հավաքի ընթացքում մասնակիցները հավաքի կազմակերպիչների օգնությամբ դուրս են բերում և ընտրում են ծրագրային գաղափարներ, այնուհետև, բաժանվելով թիմերի, գաղափարները ծրագրերի վերածում: ԵՀՀ-ն ունի հատուկ մշակված մեթոդներ, որոնց միջոցով կազմակերպվում է գաղափարների մտազրոհը, ընտրվում են լավագույն գաղափարները և ձևավորվում են ծրագրային թիմերը:

Ինչպե՞ս են ընտրվում հաղթող ծրագրերը:

ԵՀՀ-ն ձևավորում է անկախ ժյուրի (տարբեր ոլորտներում փորձ և գիտելիք ունեցող ճանաչված փորձագետներ): Մասնակիցները Մարդամեջի 6-րդ օրը ներկայացնում են իրենց կողմից մշակված ծրագրերը: Ժյուրիի անդամները կատարում են ընտրությունը՝ ըստ նախօրոք սահմանված չափանիշների:

Ի՞նչ աջակցություն են ստանում հաղթող ծրագրերը:

Հաղթող ծրագրերի թիմերը ստանում են անհրաժեշտ ֆինանսավորում՝ իրենց ծրագրային գործողություններն իրականացնելու համար, ինչպես նաև ԵՀՀ կողմից անհրաժեշտ

կազմակերպչական և տեխնիկական աջակցությունը՝ ծրագրերի իրականացման ողջ ընթացքում:

Ես բնակվում եմ մարզում, սակայն ուսման պատճառով իմ ժամանակի մեծ մասն անցկացնում եմ Երևանում: Այս պարագայում հնարավոր է մասնակցել Մարդամեջին:

Քանի որ Մարդամեջը, բացի բուն միջոցառումից, ենթադրում է նաև ծրագրերի իրականացում 5-6 ամիսների ընթացքում, ապա դժվարություններից խուսափելու համար ընտրվելու են այն մասնակիցները, ովքեր բնակվում են մարզերում:

Ես մասնակցել եմ նախորդ Մարդամեջ հավաքներից մեկին: Կարո՞ղ եմ այս տարի ևս մասնակցել:

Ընտրող հանձնաժողովը սովորաբար նախապատվությունը տալիս է նոր մասնակիցներին:

Ես սովորում եմ դպրոցում/ԲՈՒՀ-ում և չեմ կարող բացակայել առանց հարգելի պատճառի, կտրամադրե՞ն արդյոք միջոցառման կազմակերպիչները ուսման վայր ներկայացնելու համար հատուկ տեղեկանք:

ԵՀՀ-ն տրամադրում է ուս. հաստատություններ ներկայացնելու համար պահանջվող տեղեկանքը՝ բացակայությունը հարգելի համարելու նպատակով:

Ես ունեմ ծրագրային գաղափար, որը համապատասխանում է հայտում նշված թեմաներին և նորարար է: Հնարավոր է՞ ես առաջարկեմ այդ գաղափարը միջոցառման ընթացքում:

Մարդամեջի մեթոդաբանության հիմքում ընկած է գաղափարները տեղում մշակելու և զարգացնելու սկզբունքը, այդ իսկ պատճառով նույնիսկ եթե մասնակիցը եկել է պատրաստի գաղափարով, այն քննարկվելու է տեղում մշակված բազմաթիվ այլ գաղափարների հետ միասին: